


聖

高太史大全集卷之十

吳郡高啓季迪著

南州徐庸用理編



題董元戰沙龍

人間滴瀝天瓢水歸護玄珠臥沙裏空潭白日不聞
雷雲霧俄隨轉身起誰言比苑筆意精頭角破屋將
飛騰細看圖畫何須恐曾謁真龍遊太清

松隱為愛叔張賦

江邊桺樹溪邊花晉處士宅秦人家秋風忽來春雨
過坐看衰落俱堪嗟山中相依歲年久羨君獨結蒼
髯叟冠褐長鐙不解畊茯苓竹食花為酒我今身似

浮雲間正合着在長林間明朝倘許同棲泊便提飛
隨白鷄還

蕭山尹明府兵越兩山亭

憶昔看山吳越遊酒酣鼓棹江中流左招舞鳳來百
里右顧卧龍橫半州崢嶸兩勢不相下氛翳淨掃當
高秋文身鳥喙昔分處有國本是名諸侯區區仁暴
固無異朝吞暮併山應羞不知千載竟誰主伯氣倏
與飛烟收迹來此地有兵甲風景頗似當年愁黃雲
蔽天道路遠我欲再尋應莫由聞君作亭壓此境坐
獲衆勝非窮搜江長不隔飛鳥渡峯多欵障斜陽留
發興自古屬造化登臨未須生百憂但當矯首望東

海一杯笑舉邀浮丘

虎丘行次朱賞靜見寄韻

我謀我隱西郭西讀書坐覺長身低出門到寺絕數
里野水沙竹生秋輝恨無酒舫漾落日百錢行自懸
青藜時危未卜久安宅幸遇勝地須拔薊山中况逢
暑雨過枇杷樹高陰滿池興來即遊興盡返迎送豈
要山僧知兩崖石根下挿水綠藤倒拂風生漪空堂
朝鼓起龍蟄高塔夜鈴驚鷓棲人生在世本為客隨
意且留何必歸丘陵莫嘆今日異城郭更恐佗年非
蒼茫萬事孰可問孤鳥已沒空煙霏念君不遊何所
為作字寄我如張芝真娘有靈應大笑把酒豈不延

題詩秋風今朝動江浦掛席正是當年期與君一吊
興廢迹荒臺古樹聞烏啼

題美人對鏡圖

曉院塵盧鳴露井玉人夢斷梨雲冷起開粧閣笑窺
奩月裏分明見娥影自對猶憐况主家春風一面斷
腸花何由鑄入青銅內不使秋霜老髮華

贈賣墨陶叟

龍井老人稱墨仙有家近在荆溪邊鐵臼秋鳴竹屋
雨瓦溝春掃桐窓烟玄玉初成敢輕用萬里豹囊曾
入貢日長小殿試烏絲光迸驪珠欲浮動世間潘李
今已無黃金滿篋爭來沽詞日供寫上林賦畫史用

作瀛洲畜文物年來頗凋弊喪亂誰言少知貴便須
後子乞雙螺醉草檄書磨楮鼻

鳳臺三益畜

元集賢院待制馮海粟公自弼瀛洲客嘗
披斥遊金陵鳳凰臺作詩弔李謫仙好事
者為作鳳凰臺遊畜近有詩示求題賦此
塞之

謫仙昔作供奉臣詩語不合妃子嗔空坡無地容侍
直錦袍來醉金陵春金陵臺高鳳凰去西望長安竟
何處江聲空打石城潮山色猶橫歷陽樹騎鯨一去
五百秋花草滿迳埋春愁瀛洲老客綠玉杖笑領賓

客還來遊才氣風流頗同調曾入金門待明詔當年
流落不自悲却問前人欲相弔可憐二子遭清時放
逐江海空題詩賴有高名足難朽何用粉墨他年垂
夕陽攔檻登臨後誰復來遊酌盃酒履痕寂寞隱蒼
苔棲鳥啼滿臺前柳

送張負外從軍越上

鷓鴣啼霜海城白誰掃行車出南陌刀頭裝得願酬
恩知是往遊廣州客擊筑悲歌斗酒前又從飛將去
臨邊暮色直檄風生筆馬上吟詩月在鞞秋聲萬里
隨征雁南北長江竟誰限明朝若上越王臺應有中
原陸沉嘆

詠雪禁體次徐文與子韻

邊城雪埋深沒鞞風旋餘花吹酒盃幾人斫虜渡水
河直指穹弓不能滿我方高枕聽蕭瑟却喜今年瘴
全浣寒添柳院賁春遲明透竹窓驚夜短未成豪飲
圍翠袖且辨清吟可象管鋪庭擁路掃難開三日不
消知待伴翻疑塞北雲正冷可信江南地先暖愁封
小窟僵蟄虫驚折危柯殆魚卵林中樵絕暮無煙野
外獵來晨有嘯趙女依稀舞態斜郢人寐寔歌聲斷
此時自嘆少清歡月下關門誰解款山陰老客雖苦
病放曠猶能類中散長鬚踏雪送詩筒白戰令嚴烏
敢緩開簾尚恨不同嘗醉看帽款仍褻袒祇期明日

有晴暎遠訪梅花須勿懶

送曹主歸新安山中

黃山西來九華連岩洞翕忽通雲烟白鵝嶺下煉丹
處瑶草獨秀今千年三十六峯在青天仰面歷數舉
馬鞭高林雜樹多未識風雨一過俱忘羊山深何物
尤可憐秋禽幽鳴巧如絃路迴澗阻似無地中有時
藥千家田雲間鷄犬隔流水居人彷彿皆神仙我欲
窮遊久無緣羨君忽去尋歸舡猿聲兩岸溪幾曲白
沙明月相泗公到時西峰草堂前應有携酒來華顛
山人不喜說朝市但話久別情依然塵埃舊褐便可
脫濯費十斛山中泉為予淨掃石上苔早晚有意來

高眠

題陳節婦

節婦姓孫郡人陳已久之妻也已久客死節婦守志其孫亦遜求題賦此

嬌兒嘯語羅幃暮銀燭搖光夜香度狂風忽起海東
頭吹斷蘭州去時路去時豈惜千金軀煙濤竟沒珊
瑚樹精衛寃深水更深身小天高向誰訴寂寞塵奩
掩鏡光可憐不復照晨粧堦前莫剪青々草生死終
身不下堂々中素幔空時祭賴有孤兒拜虛位白日
哀思眼不乾夜枕遠流夢中淚妾本孤桐斷作琴一
絃只作一絃音逢人不奏鳳凰曲別鶴離鸞夜々心

晚步西郊見駕鵝群飛

平烟漠々天蒼々牛羊不收野草黃駕鵝東來高作

行晴空忽墮數點霜紫塞碧海遙相望下視鳧鴨愁
陂塘書生見此心欲狂便思呼鷓上馬馳鸛鷄之表
自倒披箭声脫絃鳴餓鴟遠翮正落雙參差仰空拍
手誇絕竒豪氣服殺并州兒也滕閉門坐詠詩

次韻揚孟載早春見寄

雪後西園韭初剪流澌晚動春塘淺閉門有客抱深
愁久不題詩現生辭風塵健兒訟得意獨坐寂寥誰
所遣應緣少學與時違不習弓刀誦文典城中物貴
市門靜好事猶能具盃盞琴堂朝夕共清歡舉白頻
浮不容免鈴騎已遊賓客醉深夜垣扉罷局鍵一灯
留照對床談沸鼎松声烹綠芽五車上馬子先去擁

被獨眠窓日曉起聞啼鳥忽興發欲往江邊雲隔嶽
人家舊燕盡巢林草滿長洲絕遊菴春耕咫尺阻歸
計野水自流閑滄洲吾鄉繁華天下稀花柳村々隨
步轉久聞離亂今始見烟火高低變烽燹登臨吹笛
散群羌此事空嗟千古鮮朝來風雨况淒黯雨濕城
頭旗不展隣里衝泥備役夫縣官不召怜疲喘安居
且復俟時寧出豈無能非退卷范庄紅杏幾株在好
待開時同折撚對花憂患不須言到喚一盃供脚軟

鹿

日暝呦々草際鳴養馴未省見人聲雲山別却嘶芝
侶來向朱闌花下行舊毛雪白新莖綠曾在宜春苑

中畜幾人逐走向中原輸與吾皇極疾足

倒掛

綠衣小鳳啼愁罷瘦影翻懸挂枝下美容張裏篆消
時解飲餘香散中夜鍾鼓迢迢鎖柱不門宵衣未得奉
明恩五更香冷羅浮月想憶梅花唯心斷竟

思夫山

江上曾看望夫石湖中望見憶夫山夫君好采山中
藥獨得長生竟不還不似蕭郎與秦女乘鸞同去彩
雲間

題陶生燕寄周記室

馬頭交語臨長陌我手持杯君揖篋官槐風起咽秋

蟬日暮偏傷遠行客故鄉故人離別多過江相見問
如何軍中莫笑書生怯還有能當負落河

菜適為余唐卿賦

柱桐里中君始歸菜花滿園黃蜂飛桔槔倚樹長不
用江南雨多山土肥方畦獨逸看新綠晚食何須尚
思肉翠縷登盤春薤香金釵出盎冬菹熟我家亦在
蓴菰鄉秋風便應歸共嘗潮州司馬成何事回首空
愁足萬羊

詠苑中秦吉了

不獨能言異凡鳥最愛佳名呼吉了雕籠幾度學雞
鳴驚起烟花六宮曉駕來別院未知迎先聽暹字

萬歲聲頌把春風一杯酒從今莫聽上林鶯

苦寒書江上主人壁間

慘節欲盡郊原空北風五日吹沙蓬客子東遊骨肉
遠主人賴有江邊翁青灯白酒同傾瀉碎擁布衾茅
屋下中宵不敢愁苦寒猶有窮年遠行者

聽南康陳協律彈楚歌

我聞楚客彈楚聲初絃一揮邊馬驚嗚咽哀音動寒
月正如歌發漢軍營營中一曲還漸理如怨見彷徨帳
中起美人掩泣壯士悲寶劍無光黯秋心水凄涼未弄
悄欲終應憐歸騎阻江東蓋在英雄竟如此遺調空
留感人耳四座相逢今夜聽霜風忽來六廷樹零無言

有愁俱酒醒

送張進士會試

國家文治今百年多士熟春皆知天南呂坐試二三
策能使海內無遺賢院門晨開官燭爛白袍鶴立人
三千上談禮樂祖姬孔下議制度輕讎公臨軒曾看
宰相賀雲瑞盡見當臚傳看花或騎大侯馬錫宴每
給司農錢登朝出牧知幾許冠佩劍馬紛相聯迹來
國運屬中圯爭慕死節羞生金海陽老寸鬚汗赤山
東大將薨沉淵迺知儒術王政本至此尚賴扶傾顛
諸生區區抱遺籍草萊亂亡亦可憐南方上公境獨
治鹿鳴更欲興賓筵入場又手萬言就衆目一

葉驚先穿嚴裝又隨計吏發京城遠瞻北斗連妖風
吹雲別酒冷枯楊淺水閭門邊君行匆亟我有語落
日正在車衡縣竊聞天子正側席此去為拜彤庭前
揮毫休奏醴泉頌給扎莫賦凌雲篇但當開口論去
事踰令次第宜何先坐令王網復火正乾樞共仰天
中旋我今有志未能往矯首萬里雲茫然

明月舟秦郵呂彥行題所寓室日明月舟蓋
取甓社湖中有明月之句也

明月非月舟非舟問君乘之何所從風多浪高徧處
處日莫欲渡令人愁此鄉偶住淮南住醉客每來歌
白苧夜深天黑夢神光幾箇驚烏落高樹君才照國

不照車何用尚隱江湖居嗟予未識青藜杖願借舟
中卧讀書

京師苦寒

北風忽發浮雲昏積陰慘々愁乾坤龍蛇蟄泥獸入
穴怪石凍裂生皴痕臨滄觀下飛雪滿橫江渡口驚
濤奔空山萬木盡立死未覺陽氣回深根茅簷老父
坐無褐舉首但望開朝暎苦寒如此豈宜客嗟我歲
晚飄羈魂尋常在舍信可樂末頭每有松醪存山中
炭賤地爐暖兒女環坐忘卑尊鳥飛亦斷况來友十
日不敢開衡門竭寒 京師每晨出弦逐車馬朝
天闔歸時頰色黯如土破屋暝作飢鷄蹲陌頭酒價

雖苦貴一斗三百誰能論
急呼取醉徑高卧布被絮
薄終難溫却思健兒戍西北
千里結以雪連崑崙河水
踏碎馬蹄熱夜斫堅壘收羌
渾書生一以解弄口頰無力
可報

朝廷恩不如早上乞身疏
一簑歸釣江南村

曉出城東門聞櫓聲

城門朝開路臨水人語烟中
近魚市誰搖飛檣入蒼
茫帶夢驚鳥柳邊起過處寒
波動拍沙遠聞嘔軋復
咿啞征夫車轉山頭阪工女
機鳴竹外家我身本是
江湖客偶墮黃塵行役此聲
空處憶舊曾聽舟中酒
醒東方白

始歸江上夜聞吳生歌曰快
前歲別時

前年月夜聞君唱秋滿蘆花
此江上一一聲離思水茫
然雲逐孤帆共搖颺驚魚噴
浪棲鷗飛木葉散落風
吹衣送歌盡歇松陵浦漁笛
還沉沉澤磯停杯數到
臨終拍露下無聲斜漢白滿
舡相送盡悽然况我當
為遠行客解紱今年別
紫宸歸舟江上又逢君一
尊重聽當年曲相對渾疑夢
裏聞去方欲曙餘聲絕
悲喜盈襟竟誰說願長把酒
聽君話從此天涯少離
別

夏畦風雪歸莊齋

江雲粘波晚糝糊青山忽失
如亡通軋乾坤瑩淨冰作

壺春意散入千林枯野橋古渡行人無清響瑟索鳴
殘蘆江天萬里一老夫短蓑如蝟如鳥魚寒入泥
不上窰歸來遠識漁村孤柴門夜聞犬呼逐竹屋
折誰相扶山妻自炊稚子沽不羨肉圍紅燼嗟
客遊歲屢徂詩囊隨駟舌髯奴長女何處覓酒徒飛
花撲頭帽不烏旅舍無夢還江湖心對風雪歸庄畝

南州野人為吳邑令賦

南州沃壤非泥塗清泉流渠歲不枯若人抱來斲水
上始志自比躬耕徒幸逢
堯舜可在野起縮墨綬來東吳一轡不驅雨後犢兩
馬已化空中鳥郭西春朝布谷語不亦樂綠雲連太湖

下車殷勤告父老勸耕為汝犁先扶我本野人偶叨
祿向汝未忍施鞭蒲五風十雨和氣應勿遣寸土生
蒿蕪太平村落鷄犬靜杜飲自足歡妻孥但當相率
了官務莫勞縣吏來催租民言此令善教我斗酒相
壽歌鳴々共問野人竟誰是堂中鳴琴賢大夫

欲訪李孝廉至婁江遇風而回

舡頭曉日浮江面東望青山是婁縣尋君此去愛潮
平出浦那知風色變烟雲翕忽波浪湧咫尺漁村已
難見高樹巢傾鷓鴣秋深潭窟陟鼉龍戰舟師援拖
苦無力帆勢如蓬幾飄轉中丞不進卻歸來握手何
由遂初願人生會合應有時天意茫茫吾敢怨

夜泛湖至東舍

漁邨港頭初月上，鵝鴨不收菰菽響。
隔湖烟寺遠鍾來，居人盡歸吾獨往。
寒風蕭蕭寒水生，舟中欠載酒壺行。
東家未宿如相待，黃菜青燈磯杼鳴。

約諸君遊范園看杏花

去年春色近清明，萬匝烟花夾曉城。
西苑相逢車馬問，何人不是踏春行。
今年人迷去年道，風雨不來花自掃。
僧寺庭空半紫苔，侯家宅廢皆青草。
縱然無主一株存，憔悴塵沙不可論。
野外日斜啼鳥散，消愁無處却消魂。
魏公園林芳塢下，聞有柔枝正堪把。
休言亂後少花看，得到花前人亦寡。
明日尋君莫違共

隨遊蝶弄晴輝，閉門憂斷江南晚。
一見迤邐春自歸

鷗捕魚

秋江水冷無人渡，群鷗忍飢愁日暮。
白頭來往似漁翁，心思捕魚江水中。
眼明見魚深出水，復恐魚驚隱芦葦。
漁史衙得上平沙，鱗鬣半吞猶見尾。
江魚食盡身不肥，平生求飽苦多機。
却猜人少忘機者，海上相逢不飛下。

泉南兩義士歌

泉南兩士陳與孫，少小相約為弟昆。
合疎成戚契誼重，異木纏結如同根。
并堂握手出肺腑，交拜二母開壘樽。
具舟期賈海外域，欲度夷蠻窮昆侖。
滄溟東望

浸天爛颺風怒攬波濤渾天吳恍惚出怖客掀舞鯨
鰐飛鵬鯤孫言陳宗惟子在遠涉巨險吾宜奔汝親
頭白倚門切慎勿輕去違晨昏相讓不得乃更往挂
席遙指扶桑瞰望山行覓島中國卉服通譯侏離言
尋烟莫投蕪荔屋趣墟晝集枕榔村踰年還家喜得
寶木難火齊并瑤琨探囊用取兩不較屑；彼我誰
復論急難相援誓終始歲時熈惡各烹豚義風久已
動殊俗稚結相見知欽尊我聞同氣有爭利闕墻往
嚙家門又看結交許歲晚盟般未撤渝情息管鮑
君貧乃共濟餘耳得勢終相吞若茲二子古亦少簡
使也年存作歌為繼王子傳薄俗視此應堪數

節婦吟

城頭黑雲如破屋車走爭門折千軸姚家新婦亦東
逃舅姑驚惶兒女嗥自知數口難俱免欲渡前溪舟
尚遠孀夫棄妾當奉親獨赴清流不愛身此日誰能
問南史如婦曾書幾人死

立秋前三日過周南飲雷雨大作醉後走筆

書壁間

周郎乃是同鄉友亂後相逢驚老醜日斜邀我話舊
游為喚金陵白門酒一盃乍解羈旅顏兩盃漸沃枯
吟口三盃不覺已陶然此身竟到無何有青天俄忽
震霹靂白浪翻江怒蛟吼急雨爭鳴池上荷狂風已

折門前柳醉中相對正坐忘七箸何須驚落手家人
喧呼水入戶顛倒屋茅隨地走床、避漏歎歎旱氣
方除賀田叟暮收預到三日前淨掃炎氛去如帚黃
昏泥潦歸未得呼燭相留卧東牖夜深酒醒起獨行
雲散城頭見星斗乃知天變只須更人在艱難豈云
久

送張侔之雲間

鯨鄉亭前楓葉稀讀書堆下征鴈飛孤城迢遞秋色
裏作官自好休思歸扁舟晚待潮東去琴鶴由來是
家具別意方留江上盃離心已掛雲間樹如此風流
一使君文章政事更何云絕憐退食蕪榮養不向天

涯望白雲

送王孝廉遊

京歸錢塔

江南草長胡蝶飛玉缸碧酒流春輝相逢上客同買
醉白馬新自燕山歸燕山歸來不堪說易水寒風剝
門雪朝邸空隨使者車帝闈不受書生謁笳聲杳
歌苦辛短衣笑拂京華塵不留東閣觀竒士還覓西
湖別故人此行莫嘆知音寡曾到黃金舊臺下荒榛
遺址今已平更有何人致賢者

麥竹軒為陳維寅賦

匡山老客何清真自繞園屋栽蒼筠年來無肉雖苦
瘦家有萬玉誰言負一竿護惜不忍剪何以持釣橫

江鱗僮來掃茶自可喜客至踏筍長遭嗔鞦韆
結遠夢碧雲忽墮湘南春涼陰脩潤琴硯落翠
沾衣亦詩成時向卽下寫醉墨點破烟痕新風來
清嘯与相合若听金奏怡我神知無頰色媚兒女自
古相愛惟幽人洛陽陌上花易過歌鍾競賞勞車輪
何如此君最耐久歲晚結托同情親亂聲朝送簾外
雨踈影夜拂牕前塵我嘗種此欲免俗亂後伐盡惟
荆榛故園咫尺未能去移家幸得為子隣往來倘許
如二仲敲門借看毋嫌頻

望月臺

臺前夜半烏啼時起望明月彈箇絲月來照見臺上

影松挂滿山風露冷

釣雪灘

江流欲漸魚不起一簑猶釣寒裏漁村茫茫煙火
微雪滿晚篷人獨歸

幻住精舍尋梅

郭西雪後尋僧院短竹穿沙水如練梅花有待我來
催十日春寒未開遍忽思前日渡江水夜解征帆宿
山縣偶逢一樹在官廨為寫新詩水滿硯關山夢別
今五年縞袂誰家月中見自慚喪亂尚飄落淚眼如
看故人面黃昏酒醒逐寒影繞樹千回意無倦南枝
此枝亂如雪未許東風吹一片名園奈李盡荆榛空

谷獨開君莫愁重來省視兩何如惆悵歸時有餘戀
此郭秋夜喜徐卿遠來兼南遊

東海徐君我同里日共周旋接冠履斯人自是真可
人不見心憂見之喜豈客遠別間山岳兩歲僅收書
一紙頗聞微祿不自羨霧雨南方疫時起誰能忽送
千里來應有飛鴻渡江水虫声今夜空館涼秉烛相
看疑夢裏瓊枝何以失舊色客路夙塵亦勞矣我今
不辭出門行病眼流眵肉生髀與奪得喪未足較惟
有一貧聊復爾暫來即去何使然撫琴東西覓知己
當時結交豈不多下車相揖今無幾願君窮達存此
心勿使千年笑餘耳

次韵荅朱冠君遊城西之作

前年城西作冶遊柳條拂蓋花迷舟笑看明月問狂
客我舉太白君當浮去年城西復偶住酒伴家邀
即去東隣寺裏花正開半醉半醒遊幾度今年有花
愁獨尋閉門三日卧春陰將軍小隊遊何處日暮空
聽車馬音鼻橋蒸娘殊窈窕為我喚來歌水調客愁
草々不易除在事茫茫本難料玉壺一雙秋露傾唯
此可以忘吾情醉歸共舛草中石笑劈弓絃霹靂鳴

題朱澤民荆南舊業畝

睢陽醉磨一斗墨夢落荆南寫秋色大陰垂雨尚淋
瀉哀壑回風更蕭瑟楓林思入烟霧清湖水愁翻浪

波白溪上初逢野老航山中遠見先生宅林田半頃
連芋區茅屋三間倚蘿薜僧來看竹乘小輿客去尋
岑借高屐任公臺下石可坐周侯廟前路曾識扁迹
時留暮客紫蛟氣或化秋雲黑城郭當年別已久風
塵此日歸不得落日書齋半壁明高畫卧對空相憶

贈步鍊師禱雨

白頭道士騎一鶴手把青蓮下窳廊人間又見海田
枯十丈黃塵沒城郭昔年服事茅長君能役鬼神呼
風雲下為群生掃旱沴雨工驅起如羊群陰雷填々
天欲怒靈風吹旗紫壇暮書入重閣虎豹開壁沉古
井蛟龍護湏臾甘澍何滂沱十日不雨應無示祠官

空為大雩舞覲女羞作迎神歌明朝師歸定何許雲
裏懸珠火如黍更煩夜起把天瓢翻作東南洗兵雨
月支王頭飲器歌

磧中萬騎驕嘶雪頭掛金鞍敵初滅歸來添作太白
杯胡酒寒凝色如血故國無瑩歸夢迷朽骨飲恨空
如泥琵琶聲中鬼語襟酥燈照夜風淒々崑崙倒瀉
黃河入袍汚淋漓疑泪濕部落誰醉國士恩尊前一
夜無聲泣烏縣降王猶疾首起奉單于千萬壽

海石為張紀室賦

大星墮水聲若吼祖龍夜叱神羊走誰將五色補天
餘屹障狂瀾歲將久空嶽山頭精衛鳥身墮風波衝

不了媧皇去後幾桑田鰲背靈峰一拳小

張中承廟

延秋門上烏啼霜羯奴曉登天子床江頭老臣淚暗
滴萬乘西去關山長公卿相率作降虜草間拜泣如
群羊當時不識頰平原豈復知有張睢陽孤城落日
百戰後瘦馬食尾人畏瘡男兒竟為忠義死碧血滿
地嗟誰歲賀蘭不斬上方劍英雄有恨何時忘千年
海上見祠廟古苔叢木秋風荒摩挲壁登壁鹿網裏勇
氣燁々虬鬚張巫歌大招客醉酒忠魂或能來故鄉

高太史大全集卷之十一

吳郡高啓李迪著

南州徐庸用理編

長短句體

青丘子歌

江上有青丘子從家其南曰自號青丘子
間居無事終日苦吟間作青丘子歌言其
意以解詩之嘲

青丘子臞而清本是五雲閣下之仙卿何年降謫在
世間向人不道姓與名躡屩屨遠遊荷鋤懶身未不
劍任羞澁有書任縱橫不肯折腰為五斗米不肯掉

舌下七十城但好覓詩句自吟自酬賡田間曳杖復
帶索傍人不識笑且輕謂是魯迂儒楚狂生青丘子
聞之不介意吟聲出吻不絕吟鳴朝吟忘其飢暮
吟散不平當其苦吟時兀兀如被醒頭髮不暇擲家
事不及營兒啼不知怜客至不果迎不憂回也空不
慕猗氏盈不慙絀寬褐不羨垂華纓不問龍鬚苦戰
鬪不啻烏兔忙奔傾向水際獨坐林中獨行斲元氣
搜元精造化萬物難隱情冥茫八極遊心兵坐令無
象作有聲微如破懸蟲壯若屠長鯨清同吸沆瀣險
比排崢嶸霧霧晴雲披軋々凍草萌高攀天根探月
窟犀照牛渚萬怪呈妙意俄同鬼神會佳景每与江
山爭星虹助光氣煙露滋華英聽音諧韶樂咀味得
大羹世間無物為我娛自出金石相轟鏗江邊茅屋
風雨晴閉門睡足詩初成叩壺自高歌不顧俗耳驚
欲呼君山老父携諸仙所弄之長笛和我此歌吹月
明但愁歛忽渡浪起鳥獸駭叫山搖崩天帝聞之怒
下遣白鶴迎不容在在作狡獪復結飛珮還瑤京

登陽山絕頂

我登此山顛不知此山高但覺群山總在下坐撫其
頂同兒曹又見太湖動我前涵湧三十萬頃烟波濤
長風吹人度層嶂不用仙翁赤城杖峰迴秋凝海鶴
飛日出夜聽天鷄唱中有一泉長不枯乃是蜿蜒神

物之所都老藤陰森洞府黑樹上不敢留棲烏常年
禱雨車來此投金符靈旗風轉白日晦馬鬣一滴露
三吳岩壑蒼々境多異樵子尋常不曾至探幽歷險
未得歸忽聽鐘來澗西寺此時望青冥脫略塵世情
白雲母、足下起如欲載我昇天行古來名賢抱何
有只有此山長不朽欲呼明月海上來照記長生一
瓢酒浮丘醉枕肱洪崖笑開口秋風吹落浩歌聲地
上行人盡回首

張節婦詞

靈壽張明府嫡母早寡守志

誰言妾有夫中路棄妾身先殂誰言妾無子側室生
兒与夫似兒讀書妾辟纊空房夜々聞啼兒與兒能成
名妾不嫁良人瞑目黃泉下

與客飲西園花下

一壺酒正滿一樹花仍新傾壺對花樹日暮西園春
不愛枝上花愛此花下人相逢莫學花無賴明日分
飛隨路塵

吳中逢王才隨朝京使赴燕南歸

江南草長蝴蝶飛白馬新自燕山歸燕山歸不堪說
易水寒風薊門雪朝邸空隨使者居禁闈不受書生
謁一杯勸君歌莫哀歸時應過黃金臺不見荒基秋
來土花紫伯喈已歇昭王死千載無人延國士

白雲泉

白雲不為雨散在清泉流泉氣復成雲山中同一秋
岩前石竇幽寒處雲自長浮泉自注潛龍未起出深
泓渴鳥時來下高樹雲應無心飛上天泉亦不肯隨
奔川老僧愛此不復下山去卧雲飲泉終歲年

戎王追焄畝

前騎脫兔奔後騎驚鴻急火燒秋草獵場空一焄窮
追勢難及大小當戶左右賢單于勇銳開支妍雕戈
白羽謬爭殺衆中得雋知誰先君不見天榮將真天
子馳一馬殪四豕

茅山陳道士卧雲所

不逐雲渡海寧隨雲出山但邀雲共宿日夕三峰間
細緼枕席潤掩霽房權間聽松閣前風滿耳吹盡白
雲應睡起

贈醉樵

川釣已遭獵野耕終改畝不如山中樵醉卧誰得呼
采山不采松花可為酒熟誰共斟木客為我交
木客已去空石沐舉杯向月邀吳剛借汝快斧斫大
桂要令四海增清光林風吹髮寒擁耳獨枕空尊碧
岩裏此時忘却負薪歸猛雨一聲驚不起在間萬事
如浮煙看某何必逢神仙青松化石鶴未返酒醒又
是三千年

雷雨護嬰音為包山徐庭蘭賦

兒衣寒母衣濕風雨蒼黃歸意急雷忽鳴兒勿驚抱
兒與兒同死生樹鵲吹迴水聲注田家尚遙無避處
看音誰念亂離人白日青天天兒去

南園

君不見平樂館古城何處寒雲滿君不見奉誠園荒
臺無蹤秋草繁白日沉山水歸海寒暑頻催陵谷改
皇天大運有推移富貴於人豈長在請看當年廣陵
王雙旌六纛何輝光幸逢中國久多故一家割據誇
雄強園中歡游恐逢暮美人能歌客能賦車馬春風
日來楊花吹滿城南路疊石為山引泉為池辟疆

舊園何足奇經營三十年欲令子孫永保之不知回
首今幾時繁華掃地無復遺門掩愁鳴爾風雨種菜
老翁來作主空餘怪石臥池邊欲問興亡不能語春
已去人不來一樹兩樹桃花開射堂踰圃俱青苔何
須雍門琴但令對此便可哀人生不飲胡為哉人生
不飲胡為哉

醉贈宋卿

勸君歸來休莫作澹蕩遊黃雲已蔽燕國晚白露正
滿梁園秋千石酒萬戶侯請君論此誰當優吳門日
出花滿樓小婦喚客不解羞君留綠綺琴我脫紫綺
裘今朝春好能飲否東風吹散江南愁

滿隱君月樓歌

樓高之月皓々容月多得月早朝看西墮江夕見東
生島我歌鳥飛向穹昊樓中之人須醉倒人長閑月
長好月中藥成人不老

滄浪亭

滄浪平無風波之驚滄浪廣有風月之賞吳興長史
舊遷謫買得此水自號滄浪客乘釣在北渚榜舡臨
西洲白鷗不來往遣興誰同游發清歌弄清景醉入
荷花夢竟冷天念儒臣去國寃故興無塵水雲境斯
人去已遠我來空復情滄浪水雖在不似昔年清躋
躋獨過亭前路踈葦寒煙沙鳥鳴

約此咄君看范園杏花不果後偶獨遊而言已
盡洛惟拖數樹盛開感而有賦因寄諸君

久欲與君往那期成獨來參差二月暮過却杏花開
杏花雖好今無在只有拖花悞相待杏白拖紅何淺
深春還不負看花心看花心君更劇莫為不來空歎
息盡問萬事盡如花着意相尋應不得

石射棚

石射棚張石城石鼓響或發石騎勢欲行彷彿古戰
場上有愁雲生餓鷓鷯寒風砉若箭鏑鳴何人作此
留山中鳥獸欲過膽盡驚疑是神禹治水時來教鬼
射降妖精至今風雨夕猶聽人馬聲嘗聞父老言鼓

鳴則有兵方今瘡痍民脫命見太平我願碎其鼓隳其棚

一人安四海清自此萬年無戰爭

番人移帳圖

懸爾壺韜我弓拔帳何從掄林東顧語勿驅日暮中
野兒未十歲不能騎馬

夜聞謝太史誦李杜詩

前歌蜀道難後歌偪仄行商聲激烈出破屋林鳥夜
起隣人驚我愁寐寔正欲眠聽此起坐心茫然高譚
隔舍與相和雙淚迸落青灯前李供奉杜拾遺當時
流落俱堪悲嚴公欲殺力士怒白首江海長憂飢二

子高才且如此君今与我將何為

走狗塘

春堤長春草淺此地吳王曾走犬獵場四面圍畫旗
紅炬照輦還宮遲割鮮夕宴誰共食臺上西子非樊
姬春死年來草仍綠韓盧已去多麋鹿君不見漢皇
縱狗殊有功逐兔直到烏江東

贈金華隱者

我聞名山洞府三十六一靈踪紀真籙金華秀出
向東南遠勝陽明與勾曲樓臺縹緲開煙霞天帝賜
與神仙家靈源有路不可入但見幾片流出雲中花
子房之師赤松子三千年前亦居此飛行洗惚誰解

尋謾說至今猶不死松花酒熟何處遊瑶草自綠春
岩幽群羊卧地散如石老鹿耕田馴似牛聞有隱君
子乃是學仙者自從入山中不曾到山下世人莫知
其姓名以山呼之不敢輕推矣忽見苦未識只疑便
是黃初平嗟我胡為在塵網遠望高峰若天壤茯苓
夜煮倘許瓊錢杖來敲石門響

春初來

春初來柳條欲舒花未開曉日窓前鳥鵲喜似報春
來喚人起東風吹暖入煙痕綠遍江南幾千里去年
春去憶愁人倏忽今年又見春但欲逢春醉盃酒不
管相思成白首

題大黃癡天池石辟圖

黃大癡滑稽玩世人不知疑似阿母傍再謫偷桃兒
平生好飲復好畫醉後洒墨秋淋漓嘗為弟子李少
翁翁貌得華山絕頂之天池乃知別有縮地術坐移勝
景來書帷身騎黃鶴去來遠編素飄落流塵縹緲川
公子欣得之手持示我請賦詩我聞此中可度難玉
枕秘記傳自青牛師池生碧蓮花千葉光陸離服食
可騰化遊空駕雲螭奈何靈跡久闕歲荒竹滿野啼
猩狸尋真羽客不肯一相顧却借釋子營茅茨我昔
來遊早春時雪殘衆壑銷寒姿磴滑不敢騎馬上青
鞋自策挑筇杖上有煙蘿披拂之翠屏下有沙石蕩

漾之清漪晴天倒影落明鏡正似玉女曉沐高鬟垂
飲猿忽下藤裊浴鶴乍立風漸入匡廬有地我未
到未省與此誰當奇掃石坐其涯泓澗引流危醉來
自照影俯笑知為誰落海撲香滿接籬暮出東澗鍾
鳴遲歸來城郭中復受塵土欺十年勝賞難再得恍
若清夢一斷無由追朝來觀此尚惻愴使我悲當時
同遊已少在我今未老形先疲人生擾々嗟何為不
達但為高人唾漢南已老司馬樹峴首已骨羊公碑
惟應學道悟真訣不與陵谷同遷移仙岩洞府孰最
好東有地腑西峨眉高崖鐵鎖不可攀援以逕上仰
望白雲樓觀空峩巍此山易上何乃遺便與猿鶴秋
相期欲借太乙舟夜卧浩蕩隨風吹洞簫呼起千古
月照我白髮涼絲々傾玉醪薦瑶芝招君來遊慎勿
辭無為漫對圖畫日夕遙相思

書夢中

夢行塞下沙無水無蕪葭牧羊人歸霜草短平地鴈
羣棲不暖騎馬茫茫入遠煙一行衝起上秋天我夢
驚回鴈飛去角鸛吹斷江城曙

登金陵雨花臺望大江

大江來從萬山中山勢盡與江流東鍾山如龍獨西
上欲破巨浪乘長風江山相雄不相讓形勝爭誇天
下壯秦皇空此瘞黃傘佳氣葱々至今王我懷鬱塞

何由開酒酣走上城南臺坐覺蒼茫萬古意遠自荒
煙落日之中來石頭城下濤芳怒武騎千群誰敢渡
黃旗入洛竟何祥錢鎖橫江未為固前三國後六朝
草生宮闕何蕭索英雄來時務割據幾度戰血流寒
潮我生幸逢

聖人起南國禍亂初平事休息從今四海永為家不
用長江限南北

媯蚩子歌為友王常宗作蓋其彌也

媯蚩子乃是軒轅之裔虞鯀之孫混沌既死一萬季
獨抱大璞存竊伏在草野冥心究皇墳蚤逢三光五
岳之氣乍分裂天狼下地紙血流渾々鹿走秦中原

蛇闕鄭國門俎豆棄草莽干戈歛崩奔媯蚩子便欲
東遊渡弱水沐髮滄海朝陽盆又欲西行沂河漢踰
崑崙山橫川阻兩地俱不可以往兮歸來掩戶卧旦
昏時黍一區注醪一樽妻給井臼兒收鷄豚不詰曲
以媚俗不偃蹇而凌尊作為古文詞言高氣醇温手
提數寸管欲發義理根上探孔孟心下弔屈賈魂其
質耀金石其芳吐蘭蓀叩虛答有響斷險成無礙陸
孤雜水怪變狀弗可論幾年兀々不肯出坐待真主
應運九五開乾坤鶴書自天來幽隱初見拔使者遠
造虜鷄鳴起膏轄興纂金匱編尚書為給劄奸竟泣
幽塚下恐遭誅殺書成一代進紫宸絲馬旗羽衛夾陛

陳閣門導謁稱小臣麻衣不脫拜 聖人捧函近前
殿龍顏喜回春勅賚內帑之金與綺段其文織作銀
麒麟蒙 恩乞還家以奉白髮親戴古弁垂長紳自
彌山澤之矚民媯雖子幸際明良時無為寐默坐老
東海湄青丘有客鈍且痴與汝欲結同襟期左鼓清
瑟右吹鳴篳作歌共祝

天子壽五風十雨萬國赤子同熙熙

贈劉生歌

生善銀為李鍊師製三隅鍊劉藥

君不見歐冶子金鑄魚腸照吳市君不見徐大夫藥
率七首驚函秦竒鋒當年非不利氣吞秋雲愁白帝
伯圖持此竟無成良治徒為殺人器何如劉生獨采

昆吾鋼大爐夜鍊騰虹光神鑿妙刃兩如水提出二
鑿皆奔感利物之功有如此持為醫仙起人死囊中
長得伴刀圭海上何須刺犀兕我看十年太白西方
明銅山尋鑿兵縱橫幸逢 聖人生干戈戢四海清
顧生但制此器勿制兵民無疫癘樂太平

春日客園無花偶感

荒園多青草而無一樹花東風吹春來只向何人家
南池舊日花滿烟美人夜彈蜀國絃亂枝迷眼歸不
得醉帶月露花陰眠無花雖足歎無酒更可悲如今
但得一壺滿何用紛紛紅紫為

白下送錢判官岳

白門有垂楊復有春酒香此地逢君誰乃是錢少陽
相逢既沽白門酒相送還攀白門柳不向公車更上
書却趨官署初垂綬日落淮水頭送君去悠悠梁王
苑裏花飛盡明日相思過汴州

贈錢文則琴呈良夫

古樂久不聞古器亦殘缺唯有朱絃琴韻與爭琴迫
殊別此夜聽君彈四座寂不喧古人有遺恨似向絃
中言初調乍冲融再弄忽悽惋秋猿春鳥相間帝夢
繞瀟湘碧雲遠怒濤勢出峽闔石轟奔雷漫流入滄
海恣然去無回銅甌一墮井汲引不可上離車軌
曉出關欲行未行苦惆悵夜深庭樹風雨驚恍疑鬼

神入蒲城湏臾響靜月照席玉壺凍破冰崢嶸我心
正如水萬籟不到耳無端聽此聲雙泪迸落百感生
起請且莫彈胡笳文姬思家意咨嗟請莫彈履霜孝
子在野愁彷徨願君拂拭登高堂先彈南風後文王
美哉大雅聲洋洋使我坐聽憂俱忘

雪齋為述上人賦

君不見韓韓刺史疲馬度關愁欲死君不見党將軍
美人擁帳飲正醺憔悴豪華兩何有世人徒勞競奔
走雪深三尺坐寒龕誰似西齋衲衣叟開門一笑定
起遲虛空大地皆春熙松梢一片忽墮響曾夜靜山空
人不知此地應冷無熱惱尋梅莫若尋詩好便穿蠟

履踏瓊瑤境徑從埋不須掃

燕覆巢

雙燕生五雛怡々向高屋雛飢汝出風雨來新作深
巢竟傾覆主人念雛不解飛移之別壘待母歸雛雖
得壘燕勿喜相逢主人亦偶爾明年作巢當更好須
信安居最難保

五禽言和張水部

泥滑々啼空山行人愁道路難高天浮雲自多雨人
不知還空怨汝

提胡盧亂沽酒杏花村中媪家有君如不飲過却春
此鳥枝頭應笑人

郭公々々天寒水空朝飛暮棲蕪草中蕪草中啼不

息千載魂應怨亡國

婆餅焦婆去餉孫田龍遙隴頭小麥穗已搖但願好

收食自饒爾莫憂婆餅焦

脫却破袴脫却破袴溪深無船須涉渡亦思脫古復
換新春機已空愁殺人

清冷閣

臨清池敞華閣明月入綺疏微風沾羅幙白波連遠
洲竹冷夫容愁客聽秋声起魚驚星影流水絃彈罷
鷓鴣曲天河墮水涼宵促試問西園閣上遊何知南
浦舟中宿

約王孝廉看梅

君莫憶東閣吟我莫憶西湖見
兩地年來信不通塵埃正滿
春風面不知山中三日雪掩
局脩竹斜倚愁婢婢讀書
屋空滿梁月夢斷冷落留餘
馨香相尋定有迎仙鶴煙
霧籠寒縞衣薄一尊好共
煖花魂明日關山笛中落

題滕用衡所藏山水畫

滕君興在煙霞間遠遊十年
今始還畫圖示我有層障
竟似何處之名山君言我
初適東越酒缸橫渡鏡湖
月醉咏謫仙天姥吟海光
欲曙清猿歇瑤草春已生
便入金華行道逢牧羊兒
疑是黃初平從此西遊

楚江水大帆如雲掛空裏
柁樓酌酒喚長風一日看
山一千里不聞東林鍾
但見香炉峰波迷洞庭闊
樹隔瀟湘重白沙翠屏
經過好就中幾度曾幽討
麻姑壇上掃落花堯女祠
前薦芳藻晚客湖南逢
鴈回登臨長上定王臺
天從朱鳥峰頭轉江自
黃牛峽外來覓竒應險
今應倦默坐倦遊空數
遍時向明窓看此箇好
山一一皆重見我聞君
言自嘆嗟身如處女愁
離家閉門讀書無半車
髀肉漸生空髻華林前
塵土蔽雙屐何不踏之
踐苔石幸逢盛五道路
平五岳尋真皆可適
便當往拖綠綺彈松風
行盡萬壑千岩中仙書
探得金匱空歸來誇君
重相逢握手一笑吳門

東

烏夜村

荒村烏夜棲忽繞月明啼生得東家女身為萬乘妻
至今種高樹不遣烏飛去居人凡幾家愛聽啼啞
啼啞，勿驚恠婦開門向烏拜

余未有嗣海雪道人以張仙畫像見贈蓋蘇
老泉嘗禱而得二子者予感其意因賦詩以

謝

我年已及壯吉夢未兆熊雖有三女兒豈足慰乃公
每聞隣家子夜雨誦經史起坐秋燈前顧影長嗟不
能止道人念我書無傳畫圖卷贈成都仙云昔蘇夫

子建之玉局禱甚虔乃生五色兩鳳鷄和鳴上下遂
與夫子相聯翩勸我勤禮之當有明珠出深淵我感
道人意捧觴拜其前君不見東家翁力耕積多田平
生辛苦立門戶兩見棄擲如浮烟惡兒亦何須願得
一子賢上以承吾宗下以與我玄仙乎有驗看明年
請君更賦懸弧篇

國史

國史

書